

元始五老赤書玉篇真文天書經卷中

吳三

元始五老赤書玉篇真文天書經卷中 景三

太上洞玄靈寶召伏蛟龍虎豹山精八威策

文與元始玉篇真文同出於赤天之中挺自

然之運表明太空之靈象開三圖以通真演

五行於玄府運四氣以應神鎮玉篇以固劫

保地於元根命靈策以制魔吐神祝以遐震

施八威以正度嘯五帝以召龍是故關機乘


之以不傾五嶽保之以長存山河得之而不

淪人神受之而無窮

太上大道君受之於


元始天尊賞籙於上三天玄都紫微上宮依
玄科四萬劫六天氣消真道當行有其人依
科以傳三天太上召伏蛟龍虎豹山精八威
策文此是赤精受天炁後其文明於南丹洞
靈樺林之下

景二



某年某月某日靈寶赤帝某君佩元始上三
天太上大道君制六天總地八威策文召天

下神攝地束靈封山呼雲制河上龍承師某
帝某甲元始之章



易二

某州郡縣鄉里洞玄弟子某嶽先生文某嶽
道士某甲本命某辰年若干歲某月生太歲某子
某月朔某日子謹於某氣天中請太上靈寶
八威策文
三牒文太上所傳黃帝合封為策以出俯仰


之式

九天太素陽生符元始付太上丈人其文在
赤書後劫見日宮之陽



玄都紫微宮舊格丹書白素方五寸清齋百
日入室思日精含而吞之與日同壽天地俱
存思靈念真形自能飛存濁炁於口符即出
而死也一名生真券一名八威龍書女吞此

符後生為男身
三天太玄陰生符元始以付太上大道君其
文在赤書後二劫見月之上館



玄都紫微宮舊格黑書黃繒方五寸清齋百
日入室思月精舍而吞之與月同壽道士欲
尸解者黑書木刀斂抱而卧即為代人形而
死矣行此宜精他念穢濁于口符即出身即

死此符一名化形券一名九陰靈書男人吞
此符後化為女子


此二符陰陽二氣日月之精自不精身苦志
慎輕服御惟清齋合式即能無窮

九天玉真長安神飛符出元始清明上光氣

異二

三

後赤書四劫見於三天北元玉關之上



玄都紫微上宮舊格朱書白素上以佩身履

大陽九大百六大劫之交
洪災三會佩之千
毒不加身過水火之難得見
太平為聖君種
民其文今封南霍石碩四萬劫一出
三天真生神符出元始通景玄光氣後赤書
五劫見於玄都玉京上館



玄都紫微上官舊格黑書黃繒上以佩身履
小陽九小百六小劫之交萬災四充佩之千

害不加身過萬癘之中得見太平為聖君種
民今封北單廣靈洞室石碣之中四萬劫一
出

二符太上大道君受於元始天尊以傳西王
母元始五老始生五帝天元分度

東方九炁青天天天有九元九元運關周迴三
十二覆晝夜三十日天炁一交一十二交為
一度三百三十度諸天炁王於木青帝用事
寅卯之年青帝真人下世教化太山度九人
以補仙官其方其年禾稼豐熟災不行兵火

息止三千三百度青炁勃黃炁否陽數之九
九者天之極謂小陽九六天炁上百官受會
謂小百六此天炁勃於火宮巳午之年疫炁
流行五穀豐而無食民九千九百度青炁激
黃炁食陽數九九謂大陽九六天炁返百官

吳二

四

收炁謂大百六此天炁激於金宮申酉之年
禾稼摧折兵病並行疫炁彌天人獸得過萬
中遺一其時當有青帝神人乘青龍齋符命
太山制天炁得佩此符則免此災

南方三炁丹天運關三百三十度諸天炁王

於火赤帝用事巳午之年赤帝真人下世教
化霍山度三人以補仙官其方其年豐熟國
安民盛三千三百度赤炁勃白炁否此則赤
帝小陽九小百六天炁勃於土宮辰戌丑未
之年四炁驅除兵災流行土中生火金玉自
然天下焦枯九千九百度赤炁激白炁食此
赤帝大陽九大百六天炁激於水宮亥子之
年火精絕滅萬里無煙洪災至天人獸得過
萬中遺一其時當有大鳥東南而飛赤帝神
人乘朱鳳齋符命霍山制天炁得佩此文則

免此災

中央一炁黃天運關三百三十度諸天炁王
於土黃帝用事辰戌丑未之年黃帝真人下
世教化嵩高山度十二人以補仙官其年中
國大豐四方安平三千三百度黃炁勃黑炁

卷之二

五

否此則黃帝小陽九小百六天炁勃於金宮
申酉之年土霧障天晝夜不別七年而解障
炁行人獸疫死三分遺一九千九百度黃炁
激黑炁食此黃帝大陽九大百六天炁激於
木宮寅卯之年九土崩陷民無立踵萬疫驅

除萬無遺一其時當有黃帝神人乘黃龍齋
符命中嶽制天炁得佩此文則免此災
西方七炁素天運關三百三十度諸天炁王
於金白帝用事申酉之年白帝真人下世教
化華山度七人以補仙官其方其年豐熟國
土安人民盛三千三百度白炁勃青炁否此
則白帝小陽九小百六天炁勃於水宮亥子
之年金玉化消橫尸填於江海人民相啖海
成血川九千九百度白氣激青炁食此白帝
大陽九大百六天炁激於火宮巳午之年金

石自消兵災驅除人獸滅種其時當有白帝
神人乘白龍或乘白虎齋符命華山制天炁
得佩此文則免此災

北方五炁玄天運關三百三十度諸天炁王
於水黑帝用事亥子之年黑帝真人下世教

化恒山度五人以補仙官其方其年五穀豐
熟禾不種自生兵不興人民安三千三百度
黑炁勃赤炁否此則黑帝小陽九小百六天
炁勃於木宮寅卯之年禾稼傷死五穀大貴
水涌河決洪水流天人民飄尸骨血分離九

千九百度黑炁激赤炁食此黑帝大陽九大
百六天炁激於土宮辰戌丑未之年江河枯
竭海底生塵人民鳥獸焦死無遺其時當有
黑帝神人乘玄龍齋符命恒山制天炁得佩
此文則免此災

吳二

六

五方運關三十二覆九千九百度周五方之
炁皆上運元始青陽之炁迴轉靈寶玄都玉
山中關周迴諸天日月星宿十空之外九億
九萬九千九百九十九度天炁反一劫之災
天地萬生山川江海金石人民一時化消當

此之時天地改易儵歎之間非所如何有佩
靈寶玉文乃可即得更生始分之中正如睡
眠之頃爾自非此文莫能致之

陽炁則轉天關陰炁則轉地機九河之口水
之盈縮皆應天分度會亦如之故陽數之九

謂之陽九陰數之八謂之八災天地運度人
亦同之靈寶玄都玉山處於上天之中七寶
之樹垂覆八方有十方至真尊神妙行真人
朝衛靈文於玉山之中飛空步虛誦詠洞章
旋行玉山一匝諸天稱善五億五萬五千五

百五十五億重道五億五萬五千五百五十
五億萬無鞅數至真大神當靈寶大齋之日
莫不稽首遙唱玉音諸天伎樂百千萬種同
會雲庭當此之時真樂乎哉

天地大劫之欲交諸天至真尊神妙行真人

昇二


七

下遊五嶽遙觀天下至學之人洪流滔天皆
以五龍迎之上登福堂令得與元始同沒同
生也


東方九炁青天
下元小陽九小百六出靈寶
青帝下元符命下東嶽制九炁青天分度出

此文以度學者人身其文九千年一出東嶽

五帝符並依
五方色書之




東方安寶華林青靈始老帝君出下元符命



小陽九巳小百六午其年大災驅除以此文

固天炁安國存種民度陽九百六之會青書
白繒


東方九炁青天中元大陽九大百六出靈寶
青帝中元符命下東嶽制天分度學者身其
文九千年一出



大陽九申大百六酉其年天災激林木木稼

一時消滅驅除兆民出此文以固天炁安鎮
存國以度種人大災出青書白繒
東方九炁青天上元大劫之周天地改易出
靈寶青帝上元符命下東嶽以固青天元始
之炁其文九十年一出


卷二



大劫交周天地改易金玉山海人民鳥獸一
時消滅天地溟滓無復光明以此文故固天

元始之炁佩之皆即得化生始分之中刻書
金札以佩身

南方三炁丹天下元小陽九小百六出靈寶
赤帝下元符命下南嶽制三炁丹天分度出
此文以度學者人身其文九千年一出南嶽



南方梵寶昌陽丹靈真老帝君出赤帝下元

符命

天炁穰此災度陽九百六之會赤書黑縉

小陽九辰戌小百六丑未其年土中生火金
玉自然天下焦燒萬民自死出此下元符固

吳二

九

天炁穰此災度陽九百六之會赤書黑縉
南方三炁丹天中元大陽九大百六出靈寶
赤帝中元符命下南嶽以固赤天分度度學
者身其文九千年一出

天炁穰此災度陽九百六之會赤書黑縉


大陽九亥大百六子其年火精消滅萬里無
煙洪水四出天災蕩民中元出此文固天炁
穰此災赤書黑縉

南方三炁丹天上元大劫之周天地改易出
靈寶赤帝上元符命下南嶽以固赤天元始
之炁其文九千年一出

天炁穰此災度陽九百六之會赤書黑縉

大劫交周天地改易金玉山海人民鳥獸一
時消滅天地溟津無復光明以此文固天元
始之炁佩之皆即得化生始分之中刻書金
札以佩身


中央一炁黃天下元小陽九小百六出靈寶
黃帝下元符命下中嶽制一炁黃天分度出
此文以度學者人身其文九千年一出中嶽



中央玉寶元靈元老帝君出下元符命

吳二

十




小陽九申小百六酉其年土下出霧障氣障

天晝夜不分七年除民出此下元符固天杰

禳此災度陽九百六之會黃書青繒


中央一炁黃天中元大陽九大百六出靈寶
黃帝中元符命下中嶽制天分度度學者身
九千年一出



大陽九寅大百六卯其年山岡丘壟土地陷
沒民無立踵中元出此文固地炁禳此災黃

書青緗

中央一炁黃天上元大劫之周天地改易出
靈寶黃帝上元符命下中嶽以固黃天元始
之炁其文九千年一出




大劫交周天地改易金玉山海人民鳥獸萬
物一時消滅天地溟滓無復光明以此文固

天元始之炁佩之即得化生始分之中刻書
金札以佩身

西方七炁素天下元小陽九小百六出靈寶
白帝下元符命下西嶽制七炁素天分度此
文以度學者人身其文九千年一出西嶽

易二

十一



西方七寶金門皓靈皇老帝君出下元符命

吉
其文九千年一出

小陽九亥小百六子其年金玉化消人民水
居飄尸洪流血為海川出此下元符固天炁

穰此災度陽九百六之會白書赤繒

西方七炁素天中元大陽九大百六出靈寶
白帝中元符命下西嶽制天分度度學者身

其文九千年一出

其文九千年一出

大陽九巳大百六午其年金石自消兵災蕩

民中元出此文固天炁穰此災白書赤繒

西方七炁素天上元大劫之災天地改易出

其二

十二

靈寶白帝上元符命下西嶽以固白天元始
之炁其文九千年一出


其文九千年一出

大劫交周天地改易金玉山海人民鳥獸萬物一時消滅天地溟滓無復光明以此文固天元始之炁佩之即得化生始分之中刻書金札以佩身

北方五炁玄天下元小陽九小百六出靈寶黑帝下元符命下北嶽制五炁玄天分度出此文以度學者人身其文九千年一出北嶽



北方洞陰朔單鬱絕五靈玄老帝君出下元符命



昇二

十三

小陽九寅小百六卯其年洪水四出水災連
天人民流散死者無遺出此下元符固天炁
禳此災度陽九百六之會黑書黃縑
北方五炁玄天大陽九大百六出靈寶黑帝
中元符命下北嶽制天分度度學者身其文

九千年一出

三皇書
三皇書

大陽九辰戌大百六丑未其年天地枯旱江

海竭乾海底揚塵人民焦死萬無遺一中元

出此文固天炁以禳此災黑書黃縉

北方五炁玄天上元大劫之交天地改易出

靈寶黑帝上元符命下北嶽以固玄天元始

之炁其文九千年一出

三皇書

大劫交周天地改易金玉山海人民鳥獸萬物一時消滅天地冥滓無復光明以此文固

天元始之炁佩之即得化生始分之中刻書金札以佩身

元始五老三元玉符與靈寶玉篇真文大劫小劫符命同出太玄都玉京山紫微上宮此文固天三元之炁以襪大小陽九大小百六

大小劫會之災度學者之身玄都宿有金名
皆得見此文佩之得免大災為聖君種民皆
白日昇天上朝玄都上宮功德未備即得尸
解轉輪成仙隨運沉浮與真結緣

元始靈寶五老尊神諸天帝皇妙行真人常

易二

十四

以正月三月五月七月九月十一月一歲六
會於太上三天靈都宮元陽紫微之臺集筭
天元推校運度諸天各下天帝太乙使者日
月星宿三部三官考召五嶽四瀆河海大神
周行天下糾察功過搜擇種人當此之月天



下地上莫不振肅執齋持戒尊奉天真學者
以其月隨科修齋功記三官五帝列名上天
六年尅得拜謁太上七祖皆昇福堂神靈佑
護萬災不干

元始五老赤書玉篇真文天書經卷中

